

ЎЗБЕКИСТОН РЕСПУБЛИКАСИНИНГ ҚОНУНИ

«ЎЗБЕКИСТОН РЕСПУБЛИКАСИ ФУҚАРОЛАРИДАН, АЖНАБИЙ ФУҚАРОЛАРДАН ВА
ФУҚАРОЛИГИ БЎЛМАГАН ШАХСЛАРДАН ОЛИНАДИГАН ДАРОМАД СОЛИҒИ
ТЎҒРИСИДА»ГИ ЎЗБЕКИСТОН РЕСПУБЛИКАСИ ҚОНУНИГА ЎЗГАРТИШЛАР ҲАМДА
ҚЎШИМЧАЛАР КИРИТИШ ҲАҚИДА

LexUZ шарҳи

Ушбу Қонун Ўзбекистон Республикаси Олий Мажлисининг 1997 йил 24 апрелдаги 397-I-сонли «Ўзбекистон Республикасининг Солиқ кодексини амалга киритиш тартиби тўғрисида»ги қарорининг 31-бандига мувофиқ ўз кучини йўқотган.

Ўзбекистон Республикаси Олий Кенгаши қарор қилади:

Ўзбекистон Республикасининг 1991 йил 15 февралда қабул қилинган «Ўзбекистон Республикаси фуқароларидан, ажнабий фуқаролардан ва фуқаролиги бўлмаган шахслардан олинадиган даромад солиғи тўғрисида»ги Ўзбекистон Республикаси Қонунига (Ўзбекистон Республикаси Олий Кенгаши Ахборотномаси, 1991 йил, № 4, 88-модда; № 8, 191-модда; 1992 йил, 1, 50-модда; № 4, 168-модда; № 9, 337-модда; 1993 йил, № 1, 20-модда; 1994 йил, № 1, 14-модда) қуйидаги ўзгартишлар ва қўшимчалар киритилсин:

1. 3-модданинг 1-банди қуйидаги мазмундаги «х» бандча билан тўлдирилсин:

«х) жисмоний шахс — патент эгасининг (лицензиарнинг) саноат мулки объектларидан ўз ишлаб чиқаришида фойдаланишидан ёки улар лицензиялар сотишдан, шунингдек лицензиатнинг саноат мулки объектларидан фойдаланишдан олган даромад суммаси, шу жумладан валюта тушуми, фойдалана бошлаган санадан эътиборан:

- патент бўйича ихтиродан фойдаланилса — 5 йил давомида;
- дастлабки патент бўйича ихтиродан фойдаланилса — 3 йил давомида;
- патент бўйича саноат намунасидан фойдаланилса — 3 йил давомида;
- дастлабки патент бўйича саноат намунасидан фойдаланилса — 2 йил давомида;
- гувоҳнома бўйича фойдали моделдан фойдаланилса — 2 йил давомида».

2. 4-модда 1-бандининг «б» бандчасидаги «ихтиролар, кашфиётлар ва уларнинг илк саноат нусхаларини» деган сўзлар «интеллектуал мулк объектларини» деган сўзлар билан алмаштирилсин.

3. 7-модданинг «в» бандчасидаги «шунингдек кашфиёт, ихтиро ҳамда саноат намуналари» деган сўзлар чиқариб ташлансин ва «учун муаллифлик ҳақи суммаларидан;» деган сўзлардан олдин «шунингдек интеллектуал мулк объектларидан фойдаланганлик» деган сўзлар билан тўлдирилсин.

4. 8-модданинг 1-бандида келтирилган жадвал қуйидаги таҳрирда баён этилсин:

«Солиқ солинадиган йиллик даромад миқдори (солиқ солинмайдиган минимум чегирилган ҳолда)	Солиқ суммаси
энг кам ойлик иш ҳақи миқдорининг 24 баробаригача	даромад суммасининг 15 фоизи
энг кам ойлик иш ҳақи миқдорининг 24 баробаридан (+ 1 сўм) 60 баробаригача	энг кам ойлик иш ҳақи миқдорининг 24 баробаридан олинадиган солиқ + 24 баробаридан ортиқ сумманинг 25 фоизи
энг кам ойлик иш ҳақи миқдорининг 60 баробаридан (+ 1 сўм) 120 баробаригача	энг кам ойлик иш ҳақи миқдорининг 60 баробаридан олинадиган солиқ + 60 баробаридан ортиқ сумманинг 35 фоизи
энг кам ойлик иш ҳақи миқдорининг 120 баробаридан (+ 1 сўм) ва ундан ортиқ	энг кам ойлик иш ҳақи миқдорининг 120 баробаридан ортиқ сумманинг 45 фоизи

5. 9-модданинг иккинчи қисми «ижара ҳақи» деган сўзлардан кейин «интеллектуал мулк объектларига бериладиган ҳуқуқларга эга бўлганлик учун патент божи, ҳуқуқларни рўйхатдан ўтказганлик йиғимлари ва ҳуқуқлар учун лицензия тўловлари» деган сўзлар билан тўлдирилсин.

6. 13-модда 2-бандининг бешинчи хатбошидаги «кашфиётлар, ихтиролар ва саноат намуналарининг» деган сўзлар «интеллектуал мулк объектларининг» деган сўзлар билан алмаштирилсин.